

詩

經

異

文

釋

皇清經解續編卷五百五十九

南菁書院

詩經異文釋十五

嘉興李富孫薊沚著

於穆清廟釋文云廟本又作廡古今字也案說文云廟古文作
廡士冠禮廟字正作廡

駿奔走在廟大傳注引作逸奔云逸疾也案箋云駿大也正義

云大者多而疾來之意禮記駿

今本作逸

奔走注云駿疾也疾奔

走言勸事也其意與此相接成也此又以逸爲駿隱嘻駿發

爾私箋云駿疾也是逸駿字通釋詁疏云駿逸音義同

於穆不已正義引孟仲子作於穆不似案易文王以之箕子以
之鄭本以皆作似斯干似續妣祖箋云讀如已午之已正義
云直讀爲已不云字異則古者似已字同於穆不已師徒異

讀廣雅已似也是已與似字通惠氏士奇日以與已本同似與已亦同古音也

假以溢我左氏襄廿七年傳引作何以恤我

杜注

說文言部引

作譏以溢

段氏本依廣韻訂作譏

我云譏嘉善也廣韻七歌引作譏以

譏我案毛傳假訓嘉箋同與說文譏字義合假當爲借字左

氏作何以譏同音而字變

王氏念孫曰譏與假聲近而義同

毛訓溢爲慎本

釋詁文徐仙民云毛音譏釋詁溢譏又俱訓爲靜左氏作恤

亦聲相近箋云溢盈溢之言也是不从毛義戴氏曰毛詩以

嘉釋假正合譏字之義爾雅溢慎譏皆爲靜蓋靜慎意得交

通說文譏無聲也史記惟荆之靜哉徐廣注今文作譏索隱

曰恤譏聲近又莊子書以言其老恤也陸德明云本本作溢

同音逸然則謚之爲溢爲恤亦聲音字形轉寫譌失耳惠氏曰案謚與何音相近故譌爲何溢與謚字相類謚又與恤通皆訓爲愼古文虞書惟刑之恤哉伏生尙書恤作謚此其證也邵氏晉涵曰溢謚俱訓爲愼古字通用段氏曰左氏何以恤我何者謚之聲誤恤與謚同部溢蓋恤之譌體又曰毛傳假嘉溢愼與謚謚字異義同許所假蓋三家詩謚謚皆本義假溢皆假借也然謚溢並見釋詁可知周時已有一本之殊矣謚溢恤皆是愼意
誤何假乃是異文

維周之禎釋文作祺云徐云本又作禎與崔本同案釋言曰祺祥也毛傳訓禎爲祥正義以爲釋言文正義又引爾雅某氏

曰詩云維周之禎宋本作祺定本集注祺字作禎文異而義同臧

氏曰爾雅無有作頑者當从正義釋文本方與雅訓合唐石經作頑蓋卽唐之定本據崔靈恩集注也

彼祖矣岐有夷之行韓詩外傳

三引作岐

一作政譌

有夷之行說苑

君道引作岐有夷之行子孫其保之後漢西南夷傳引作彼祖者岐注引韓詩薛君傳云祖往也夷易也行道也沈括筆

談引後漢朱浮傳作彼祖者岐釋詁疏作岐有夷之行

黃氏曰鈔

曰與彼作矣相對爲句

案箋云後之往者又以岐邦之君有伎易之道

則毛鄭本亦不作矣字殆後轉寫因上文矣字相涉而譌劉向學魯詩則岐字屬下句韓魯讀同沈括誤以朱輔爲朱浮又譌祖爲祖後漢朱輔疏又引傳曰岐道雖僻而人不遠薛君注云彼百姓歸文王者皆曰岐有易道可往歸矣未嘗訓

徂爲𨾏其曰解對夷而言惟章懷注有岐道阻險之語亦是
依傳解之陳氏曰韓惟矣字作者不同於毛其訓徂爲往行
爲道岐字屬下句讀竝無異於毛後漢南蠻傳注引薛章句
云岐有易道謂仁義之道易行故岐道阻險而人不難朱子
改徂爲𨾏是从沈括之誤引岐字絕句又出郝說戴氏曰韓
毛所授經無異不知何時轉寫譌者作矣王伯厚詩攷序云
朱文公集傳彼𨾏者岐從韓詩蓋未深覈而爲是言案困學紀聞已
正其誤沈所引朱浮傳乃朱輔疏又譌徂作𨾏後人因王伯厚
之言遂爲韓詩生一誤證集傳實錄筆談譌文幸有薛君之解尙存朱
子傳擇眾言以訂古猶憑譌文改經是以詳論之段氏曰戴
謂作徂無疑而作者則非箋釋彼作矣曰彼萬民作岐邪者

釋彼祖矣日後之往者兩矣字一例當以彼祖矣三字一句岐有夷之行五字一句不當仍從後漢書作者說姑引此可證漢人岐字下屬也

夙夜基命宥密孔子閒居引作其命釋文作其命云本亦作基賈子禮容引作基命宥謚云宵也億也案毛傳基訓始箋同

禮記注云詩讀其爲基聲之誤也基謀也與詩義異鄭答吳模言注

禮在前箋書以竝受此丕丕基漢石經作其左氏定十年傳

詩在後廟殘碑云東海說文其籀文箕字又丌云下基也讀若箕字

亦相通釋詁謚密俱訓爲靜音義同何氏楷曰密當依新書作謚說文云靜語也一曰無聲也禮記夙夜其命宥密無聲之樂也密通爲謚乃無聲之義

維羊維牛維天其右之隋宇文愷傳引作維牛維羊周禮羊人

職疏引同右作祐釋文云右本亦作佑攷文古本作祐時邁實右

序有周右作佑離既案維牛維羊正與亨字爲韻今本誤倒

右本訓助佑字是俗體易可與祐神矣李鼎祚本作右字亦

通臧氏曰正義本作維牛維羊疏義可證猶得考正之開成

石經誤作維羊維牛今遂沿襲之

儀式刑文王之典左氏昭六年傳引作儀式形一仍文王之德

漢刑法志同案易其形渥九家京荀虞竝作刑周禮司烜氏

注潛夫論三式引同古刑形字通見易典與德音義相近

薄言震之後漢李固傳引作振之注引韓詩薛君傳云振奮也

文選注甘泉賦引薛君章句義同下莫不震疊玉案易振恒

七命

詩經異文釋十五

篇畱部引作振

案易振恒

釋文張作震書震驚朕師史記作振二字同音通用

懷柔百神釋文云柔本亦作濡兩通俱訓安也北堂書鈔入十八

引同正義云定本作柔集注作濡柔案莊子徐無鬼有濡需

者注云濡需謂偷安須臾之頃是以濡為安淮南說山厲利

劍者必以柔砥注云柔濡則濡與柔義通集韻濡又而由切

柔忍也亦讀與柔同

生民或箴或蹂箋云蹂之言濡也段氏曰蹂濡音近而相假柔濡古音同是假

濡為柔耳

及河喬嶽淮南秦族引作嶠嶽

一作岳

釋文作嶠云本亦作嶽案

釋山曰山銳而高喬史記黃帝本紀正義引作嶠嶠與喬通

說文新附云嶠古通用喬聲隸變體

載彘弓矢鹽鐵論論菑引作載彘案周禮翦氏注釋文彘本或

作棗士喪禮注云今文棗爲棗晉書音義上云棗或作棗此皆以字形相涉而消

執競武王周禮鍾師職注引作執儵呂叔玉同釋文云儵詩作競案釋言曰競彊也說文云競彊語也倜彊也玉篇儵同倜強也競與儵音同毛鄭訓競爲彊是以競爲倜之段字也

鍾鼓嗶嗶磬筦將將釋訓作喤喤釋文喤又作鐃字書云鐃鐃鐃風俗通聲音引同下句作鎗鎗初學記_{十五}引作鐃下句

作磬管鎗鎗荀子富國引作管磬瑯瑯說文足部引作管磬蹕蹕云行貌禮樂志引作鎗案說文云嗶小兒聲引斯干其泣嗶嗶則鐘鼓聲自宜作鐃爾雅作喤別體字曹植文帝諱鍾鼓鐃鐃傳元鑣歌曲鍾鐃鐃皆用詩語說文正作鐃當爲

三家本釋訓釋文云詩作噲噲邢疏引詩云噲噲音義同噲
通借字漢東方朔傳師古注箎古管字荀子作管磬三家詩
當亦如此故許所引同毛傳云將將集也廣雅蹕蹕動也將
蹕蹕蹕竝同音通用段氏曰以鼓統於鍾總言鐃鐃許云蹕
動也然則禮言行容者皆蹕爲正字蹕爲段借字

降福穰穰鹽鐵論論蓄引作穰穰潛夫論正列引作穰穰初學
記十引同案釋訓曰穰穰福也釋文作穰云本今作穰野有
蔓草傳云穰穰盛貌亦同音義通

威儀反反潛夫論正列引作板板案反作板當爲聲之誤

立我烝民鄭箋立當作粒闕宮疏引作粒案毛傳不解立字正
義云與尙書烝民乃粒事義正同故破立从粒毛無破字當

不與鄭同

貽我來牟漢劉向傳引作飴我釐麤云釐麤麥也始自天降師

古注飴讀與貽同釐又讀與來同文選典引注引韓詩貽我

嘉麥

外傳同

薛君云麥大麥也說文來部引作貽我來麤云來

周所受瑞麥天所來也又麥部麤字云來麤麥也或作牟孟

子告子上注引作來麤釋文云牟字書作麤或作麥孟子云

麥大麥也案貽貽正俗字飴通借字毛傳云牟麥也箋本今

文大誓及尚書緯烏以穀俱來之文卽謂來牟麤麥與牟古

今字詩从省借廣雅以來小麥牟大麥與古義乖異少牟饋

食禮注云來讀曰釐釐賜也書序釐沃亦作來沃來釐聲相

近故可互讀通段也

無此疆爾界釋文界作介云大也唐石經作介金石萃編作界案文選

魏都賦注引韓詩薛君章句曰介界也說文云介畫也从八

从人人各有介謂各有分界也是介與界通惟陸氏介訓大

與箋義異陳氏曰介大未知誰義段氏曰說文介畫也畫晰也當是本

作介也介與畫互訓田部晰字蓋後人增之又曰介界古今

字王氏念孫曰界與介古字通

序乃錢鏐考工記總目注序引作僣一本案毛傳云序具也周

語僣而畚揭注云僣具也文選羽獵賦注引郭舍人爾雅注

云僣具事也音義同

噫嘻成王釋文作意嘻云意又作噫案釋弓下曰噫毋釋文本

又作意莊子大宗師釋文同天道引司馬注云意不平聲也

在宥釋文意本作噫集韻噫或作意是音之轉漢韓信傳意
烏狎嗟亦與噫同

駁發爾私釋文作浚

一本作駿
下作浚

云本亦作駿鹽鐵論取下作浚

案毛傳駿訓大箋云駿疾也書夙夜浚明有家馬融注浚大
也是浚與駿音義亦同

振鷲于飛文選蜀都賦注引作鷲鷲案振字从鳥此因下鷲字
而誤也

以永終譽後漢崔駰傳作眾譽案易雜卦傳大有眾也荀爽本
作終士相見禮注云今文眾爲終終眾一聲之轉錢氏曰古
音眾如終春秋傳眾父卒釋文音終

萬億及秭釋文云秭一本作數韓詩云陳穀曰秭案毛傳云數

萬至萬曰億數億至億曰秭說文五稷爲秭一曰數億至萬曰秭數讀色主反今云一作數當誤

烝畀祖妣文選西都賦注作祖妣案釋名曰妣比也比之於父亦然也曲禮注妣之言媿也媿於考也从省作比義同

以洽百禮釋文作洽云本或作洽案正月洽比其鄰毛傳云洽合也王制洽禘洽嘗洽烝鄭注洽合也二字音義同

有瞽釋文云瞽本或作鼓案周禮樂師詔來瞽舉舞注鄭司農云瞽當爲鼓鼓字或作瞽大戴禮保傅鼓夜誦詩注云瞽與鼓聲誤也是古二字恆相亂武氏億曰古今人表瞽作鼓是瞽與鼓亦同用此瞽字省作鼓耳

應田縣鼓鄭箋田當作棟小鼓聲轉字誤變而作田周禮大師

職明堂位注竝引作應棟釋樂注及釋文廣雅音釋宋書樂志引同炙輠錄作引案正義云大師令奏鼓棟棟字以東爲聲聲既轉去東唯申在申字又誤去上下故變作田也小師注應與棟及期皆小鼓也鄭司農云棟小鼓名鄭以田字寫誤當作棟蓋本三家詩棟引音同臧氏曰鄭先通韓魯詩注三禮時所用詩多作韓魯則改田爲棟本韓魯詩也

鞀鞀柷圉釋文云鞀字亦作鞀

那鞀鼓淵淵說文鼓部引作鞀

漢孟郁脩堯廟

碑柷圉作祝圉釋樂疏引作柷敵案說文昭或作鞀又或作鞀字同左昭廿九年傳祝融北魏孝文帝弔比干碑作祝漢人字相近者鞀段借通用故柷又作祝釋言曰圉禁也說文圉守之也敵正字漢地理志師古注圉讀與圉同

猗與漆沮初學記

三引作猗歟

那猗與那與後漢班固傳注文選東都賦明堂詩注賈良詔漢

高祖功臣領典引注並引作歟御覽五百八十一人引同

案說文云歟安氣也經典多通作

與字

潛有多魚釋文云潛爾雅作泔韓詩云泔魚池也

文選長笛賦注引作薛君

章句音岑

小爾雅作櫓櫓也謂積柴水中令魚依之止息因而取

之也案釋器曰櫓謂之泔毛傳云潛櫓也

說文櫓一曰粒孫也古文作櫓

炎曰積柴養魚曰櫓御覽

八百卅四

引舍人云以米臧氏曰正義引作木字之

誤

投水養魚為泔正義引李巡同郭注本從小爾雅作櫓盧氏

日御覽引爾雅向从米旁作櫓

云櫓字諸家本作米邊爾雅作木邊積柴之

義也字林作櫓淮南說林曰櫓

一本作

者扣舟高注釋讀作

櫓今杭州人積柴水中捕魚為櫓

亦作

幽州名之為櫓一作

樛與樛方俗語有輕重耳文義雖異其爲取魚之實同書
禹貢沱潛字史記皆作悮正義云悮潛古今字段氏曰樛與
樛似其說各異不知積柴而投米焉非有一事以其用米故
曰樛以其用柴故或製字作樛又樛樛皆魏晉閒妄作也又
曰樛非古字穀字雖見淮南鴻烈然與樛皆俗字疑或取字
林驛入許書古本當無穀篆臧氏鋪堂曰正義引李巡曰今
以木投水中養魚曰悮據釋文
所云則郭氏前注爾雅者俱作米旁
李與舍人義同以木乃以米之誤耳

亦右文母後漢書注

和熹皇后紀何
敞傳張酺傳

引作亦有劉攽云右有音

耳不當作有案鄉射禮注云古文有作又說文云又手也右
字从又从口形聲相涉而誤

和鈴央央條革有鶴夔經音義

七

引作和鳴張衡東京賦和鈴

缺缺李善注引詩作缺缺說文玉部鵠引作瑒云玉聲也祖烈

入鸞鵠釋文鵠釋文云本亦作鎗案毛傳云和在軾前鈴本又作鎗正義同

在旂上鈴作鳴當是聲誤玉篇云缺鈴聲也陳氏曰當依詩文選注作缺

作央从省書大傳引逸詩鵠鵠相從荀子又作鎗鎗箋以爲

金飾貌似宜从金旁正義云轡首之革其末以金爲飾鎗然

而美疏中皆作鎗字說文云鎗鐘聲是鵠鎗並借字瑒爲正

字劉氏瑾曰宋芭入鸞瑒瑒烝民韓奕入鸞鎗鎗載見何氏律革有鵠烈祖入鸞鵠鎗字雖不同皆言其聲也

楷曰鵠當从說文作瑒金厄所觸亦如玉之鳴也錢氏站曰

凡經將將鎗鎗鵠鵠並應作瑒段氏曰鸞鈴轡飾之聲而字

作瑒玉聲而字作鎗皆得謂之段借

審定爾功風俗通皇霸引作武功案爾作武義亦通

嬭嬭在疚漢匡衡傳引作莞莞一作文選注寡婦賦引韓詩作惲

惲在疚一本作余在疚又潘岳河陽縣引作莞後漢和帝紀作莞

莞章懷注莞或作嬭和熹皇后紀注引作莞說文宀部引作

莞莞在宀云宀貧病也女部引春秋傳嬭嬭在疚今左傳作莞莞釋文云嬭崔本

作莞攷文古本作莞莞案說文云嬭材緊也廣韻嬭好也大

司寇職注云無兄弟曰惲玉篇莞或作惲嬭竝同音通用互見

杖杜義見正月次與疚通錢氏站曰嬭莞二字本無定從依義嬭

正字莞假字

念茲皇祖陟降庭止漢匡衡傳引作念我皇祖陟降廷止師古

注言成王常念文武之德故鬼神上下臨其朝廷案毛傳云

庭直也本釋詁文後漢書注引倉頡篇廷直也是廷亦有直

義古今人表注云廷讀曰庭師古依文訓朝廷集傳从之

學有緝熙于光明隸釋漢逢盛碑作緝熙案孔宙碑云緝熙之業既就篇海緝與緝同是隸體字

佛時仔肩韓詩外傳三佛引作弗說苑君道作弗時及肩案毛

傳云佛大也佛从人弗聲弗卽从佛省說文云弗大也从太

弗聲讀若予違女弼卽此佛字學記其求之也佛釋文佛本

又作拂廣雅曰拂輔也

文選非有先生論注拂與弼同

易拂經釋文子夏傳

作弗云輔弼也則佛拂與弗字竝通錢氏曰佛弗古今字正

義謂佛之爲大其義未聞豈孔氏未檢說文故邪段氏曰佛

卽旁之段借也

莫于并蜂自來辛螫釋訓作粵筆釋文云蜂本又作螫

一作螫

韓詩作赦赦事也潛夫論慎微引作拼北堂書鈔卅引作

并并案并蜂當依爾雅訓義毛鄭並同詩為借字正義云釋

訓作粵并古今字耳王安石訓為使蜂甚繆說文云螫蟻行

毒也唐韻螫古音式夜切亦引韓詩作赦則毛詩螫字當亦

借用螫赦音相近錢氏曰說文鶴律即粵并之異文邵氏晉

涵曰粵并蜂并音義同段氏曰鶴律蓋粵并之正字擢曳者

使之也

拏飛維鳥文選注

謝瞻張子房詩陸機贈馮文舉遷斥邱令

引作翻

一作拏

云飛貌御

覽

九百廿三

引同案鄭箋作翻飛集韻引詩作拏與翻同拏為借

字

其耕澤澤釋文云澤爾雅作郝案正義引爾雅作釋釋耕也舍

人云釋釋猶釐釐解散之意夏小正農及雪澤管子作雪釋
古字通用史記封禪書音義云古釋字作澤建元以來侯者
年表眾利侯郝賢索隱郝又音釋歲卿傳使趙郝約事於秦
靳歙傳趙將賁郝郝竝音釋則郝與釋同音通借邵氏晉涵
曰郝澤釋三字音義亦同

有畧其柶釋文云畧字書作畧案釋詁曰畧利也釋文作畧云
詩本作畧匡謬正俗引張揖字詁云畧古作畧是畧爲正字
惠氏曰畧本籀文剗字故釋詁云畧利也柶有鋒錫乃能熾
藉其出畝略無訓利之文當从字書作畧唐石經作畧亦非
段氏曰以說文折衷之畧者古字剗者今字剗者正字畧者
段借字

驛驛其達釋文云爾雅作繹繹云生也案邢疏引驛驛其達云

音義竝同文選注引韓詩薛君章句曰釋繹盛貌是韓詩亦

作繹驛與繹通

見常武

縣縣其廡釋文云廡說文作穠云穠耨鉏田也案毛傳云廡耘

也說文穠耕

穠作

禾閒也正釋文所引字林之文亦未引詩

是廡省借字段氏曰案縣縣韓詩作民民皆謂密也即說文

窶窶不見之意

有餽其香釋文云餽字又作苾音同白帖

六十

引同案毛傳云

餽芬香也說文餽食之香也苾馨香也音義亦同漢膠東令

王君廟門碑云有馥其馨

冀州從事張納碑同

當即用此文楚茨苾馥

孝祀韓詩作馥芬苾餽字同餽馥音相近馨香義同張衡怨

詩有馥其芳語亦相同

有椒其馨釋文云椒沈作倣以作椒誤案毛傳云椒猶饒也沈
以此論釀酒芬香無取椒氣之芳也故改字作倣毛言猶饒
之芬香亦不謂香椒倣始也義亦通陸氏引唐風椒聊是芬
芳之物以沈作倣爲非段氏曰說文椒氣出土也引申爲凡
氣出之稱或段借椒爲椒沈作倣善矣若作椒尤合饒與椒
皆謂香氣突出觸鼻非謂椒聊也富孫案說文椒一曰始也
是與倣音義亦同故沈通
倣又曰毛傳饒芬香兒倣猶饒也倣字正取其香始升芬芳
酷烈之意與饒字相配若作椒是物與饒字不對傳不得云
猶饒也今定从沈本作倣饒香之兒也倣馨之兒也

曼曼良杞太元音

四

引作櫻櫻案集韻櫻同曼別體字

其饒伊黍郊特牲注引作其餽案說文云周人謂餽曰饒食貨
志注饒字與餽同灌嬰傳注饒古餽字是古今字之異

其錡斯趙以蓐茶蓼攷工記注引作斯攢集韻引同說文云蓐

按去田艸也

繫傳作拔田艸也

蓐文作蓐或从休引作既蓐茶蓼釋

艸注引作以蓐茶蓼釋文作蓐云本或作蓐又作林同案賈

疏引彼注云攢刺也今本作趙毛傳云趙刺也箋云以田器

刺也集韻攢或作趙通作趙是趙段借字眾經音義十一云蓐

或作蓐林二形猶文作蓐是林又蓐之別體釋艸蓐委葉釋

文本作茶字同錢氏曰釋文趙徒了反考工釋文攢大了反

荀子注趙讀爲掉

積之栗栗說文禾部兩引作積之秩秩云積積禾也秩積也

段氏

本改 兒 繫傳云積堆積已刈之禾也秩秩有序之兒案廣雅曰

積積也二字義同積積聲相近毛傳云栗栗眾多也與積義亦同許所解當爲三家詩邵氏晉涵曰積積秩栗皆聲之轉字異義同

絲衣其絲載弁俅俅說文糸部引作素衣釋言注繫傳人部引

作戴弁俅俅

大徐本作弁服

事類賦

十

引同通典

四十

引作會弁玉

篇頁部引云俅或作頰釋文云俅說文作紵同案絲素聲相

似三家本或作素釋訓曰俅俅服也故大徐本作弁服載與

戴字本通春秋隱十年伐戴公穀作載釋言俅戴也釋文作

載云本今作戴箋云載猶戴也釋名戴戴也載之於頭也又

互相訓廣蒼云頰戴也當是別體字說文引此作俅俅云冠

飾貌綵急也引長發不競不綵陸云此作綵當誤段氏曰絲衣乃篇名素恐譌字此謂士爵弁元衣繡裳非白衣也又曰言其上曰戴言其下曰載也

白羊徂牛韓詩外傳三作來牛案釋詁曰徂往也玉篇來行來也義亦可通

鼎及鼎史記武帝紀音義引此詩鼎作哉云哉音資封禪書引仍作

鼎釋文云說文作鎡字案釋器曰鬲甬上謂之鼎釋文郭音

才字林音載故徐廣以音讀相近作哉說文鼎部引此詩作

鼎云俗从金从茲釋文所引正許君斥爲俗字惠氏曰案哉

與才通張平子碑云往才女諧邢昺曰哉古文作才說文鼎

从鼎才聲省文作才音資失之富孫案史記袁晃傳張晏注資才也淮南主術注同漢酷

吏傳集注云資材
也資才音近義同

不吳不敖史記孝武本紀引作不虞不驚封禪書仍釋文作不

虞云說文作吳大言也

案吳字下不引詩詩攷補遺引說文作不吳

何承天云吳

字誤當爲吳從口下大故魚之大口者名吳胡化反敖本又

作傲攷文古本作傲案毛鄭俱訓吳爲譁大言卽譁也吳虞

古字通索隱云虞與吳聲相近故假借也正義云毛以娛爲

譁定本作吳是孔氏本作娛漢王褒傳師古注云虞與娛同

玉篇吳大聲也郊祀志引作不吳後漢戴就傳引同徐鍇引

詩作吳斥吳爲甚謬

段氏說同

此後人因何承天之說而改莊子

外物而驚萬物之患釋文驚又作敖呂覽下賢士驚祿爵者

因輕其主漢田蚡傳注驚與傲同傲傲亦通陳氏曰舜後封

虞亦姓吳虞本以吳得聲古字通用多取音形相似臧氏曰
索隱云或者本文借此虞為歡娛字則小司馬所據毛詩亦
作娛古娛虞同字可證不吳古多作娛也錢氏拈曰據釋文
與此為二古詩自作吳今詩借吳以當吳耳富
孫案此亦凡搖之說陸氏所引說文未可盡據
於皇時周白虎通封禪引作明周舊作時周詩
攷引作明案明與時當以
字形相似而淆

隋山嶠嶽白虎通封禪引作墮山釋文云墮字又作墮釋魚疏

引作墮御覽

五百三十七

作隋案釋山曰嶠山墮注云謂山形長

狹者說文墮山之墮墮者讀若相推落之墮

段氏曰墮墮疑當作墮墮墮即

墮士冠禮注云墮方曰墮釋文墮狹而長破斧傳墮鑿曰斧

凡圓而長者謂之墮漢食貨志注墮圓而長也探有梅傳釋

文云隋墮字同以言山故作墮今盧本釋文經作墮注作墮
俗體字

時周之命正義云篇末俗本有於釋思三字誤釋文云於釋思
毛詩無此句齊魯韓詩有之今毛詩有者衍文也崔集注本
有案崔本當亦从三家詩正義亦以俗本有二字爲誤此蓋
涉上賁篇而誤臧氏曰一篇之中神人雜沓恐非體製即在
三家亦當爲衍文

皇清經解續編卷五百五十九終

仁和邵順頤
善化劉鉅校

皇清經解續編卷五百六十

南菁書院

詩經異文釋十六

嘉興李富孫菊祉著

駟駟牡馬在坰之野釋文云駟說文作驪又作駟牡本或作牧

正義云定本作牧馬文選李陵答蘇武書注引作牧馬唐石

經初刻作牧藝文類聚

九十御覽

八百三十三又八百九十三引作牝馬當誤

引

同詩攷引詩說河北本作牧馬讀詩記首章作牧馬說文馬

部坰引作駟詩攷同

段氏本改作同云坰或同字詩言牧馬在同故許稱爲从馬同會意之惟馬在

同爲駟猶艸木麗於地爲麗也

案顏氏家訓書證云江南書皆作牝牡之牡

河北本悉爲牧放之牧亦作牧宋書王融傳駟駟之牧遂不

能駟周禮牧人職釋文牧劉音茂牧牡聲相近作牧者河北

本顧氏謂唐石經誤作牧非說文云驪長馬也駟馬盛肥也

與毛傳良馬腹韃肥張義同玉篇駟同駟又牧

今為收

馬苑也

本說

三字皆音相近臧氏曰據顏氏家訓則六朝時本已有

牡馬牧馬兩文故正義作牧定本作牡唐人所引亦兼具兩

本釋文牡馬下引神木疏云騰馬也釋畜牡曰騰則陸氏亦

作牡此在顏氏之前其本為可據蓋首句止言馬之良駿而

未及於牧是當作牡馬為定也

牡牧形聲皆相近

陳氏曰駟乃此詩

駟字駟乃此詩駟字駟乃別字錢氏曰說文駟駟二字異訓

恐非重文陸云又作駟者謂毛詩別本曰古文又作回爾雅

作駟詩作駟皆經師孳乳之字詩既以駟名篇故許君兼收

二文駟在馬部故以牧馬苑為義若指其地自在郊野之外

非相背也

說文引在駟之野則許君時毛詩是駟字故篇名用之

說文駟訓良馬毛傳

云駟駟良馬二義相同則許所見毛本亦是駟駟也駟駟聲相近魏晉以後譌駟爲駟改駟爲圉因疑說文有譌或謂說文駟字爲李陽冰等竄入是又不然唐時正義本駟圉與今

本同若果是唐人竄入當引駟駟牡馬必不云在駟之野矣

段氏以堯舜同聲之類相去甚遠疑駟駟爲嵩高四牡駟駟之異文或轉寫有譌桂氏馥曰說文四

牡駟駟後人亂之當爲駟駟牧馬段氏本依釋文改作駟駟牡馬詩以駟駟

代駟駟又以圉野代駟野讀者茫然幸有玉篇見北釋文可

爲推正段氏曰序云牧於圉野傳云牧之圉野則駟駟然經

文作牧爲是許作在駟之野卽在野之駟也倒句以就韻許

氏宗彥曰牡馬與牧馬字異而義同古馬政惟牡馬在牧若

牝馬非季春則不在牧禮月令游牝于牧鄭注其牝欲游則

就所牧之牡而游之可見在牧惟牡馬故言牧不必更言牡也

有駉有駉釋文云駉字又作駉黃白雜毛曰駉案說文作駉釋

詁釋文丕字又作丕同玉篇丕或作丕當為隸體左傳晉大

夫不鄭不豹晉語竝作丕猶从古

五經文字丕不
上說文下石經

以車伾伾釋文云伾字林作駉走也案毛傳云伾伾有力也楚

辭招魂逐人駉駉些注駉駉走貌玉篇訓同

有駉有雒攷文古本駉作駉釋文云雒本或作駉同案駉雒爾

雅無文說文同釋文有駉云赤馬黑毛尾也

引作字林
毛作髦則駉

駉字同毛傳黑身白鬣曰雒疏云定本集注及徐音皆作駉

字而俗本多作駉非定當為雒但不知黑身白鬣何所出耳

惟作駱字則與上複唐石經亦作雒

以市釋釋文云釋崔本作驛案毛傳云釋釋詁走釋文也釋作足

驛字通集注从三家詩爲木字桂氏馥曰漢書音義如淳曰律四馬高足爲傳置中足爲馳置下足爲乘置高足卽善足是毛傳當亦作驛也

有駟有駟御覽八百九十三引作霞案釋畜曰彤白雜毛駟毛傳同

郭注卽今赭白馬也說文云文似鰕魚霞字傳寫者聲誤

有驪有魚釋文云魚字書作驪字林作驪爾雅一目白駒二目白驪案今爾雅本作魚說文亦同玉篇云爾雅二目白魚或作驪廣韻同驪驪是俗增偏旁字以馬名故加从馬以二目白故加从目也

鼓咽咽釋文云咽本又作𦵏

一作𦵏當作𦵏从𦵏𦵏那義北堂鼓𦵏𦵏說文鼓部引作𦵏𦵏

書鈔

八十

引作𦵏𦵏文選東京賦注引作𦵏𦵏案毛傳云咽

咽鼓節也集韻咽又於巾切或作𦵏𦵏𦵏省借作𦵏𦵏𦵏云

𦵏𦵏𦵏咽其聲不同𦵏𦵏狀鼓聲多而連咽咽聲近而疊

歲其有君子有穀貽孫子列女傳

一

引作貽厥孫子釋文云本

或作歲其有矣又作歲其有年矣皆衍字詒孫子本或作詒

厥孫子貽于孫子皆妄加也正義定本集注皆作有年豐年

正義引同唐石經有下旁添年字詒下旁添厥字案列女傳

有厥字與大雅詒厥孫謀之文同唐石經所添乃後人增入

正陸氏所云皆妄加也

傳采其芹白虎通辟雍引作其苻時攷引同案箋云芹水菜釋

艸曰蒼接余雖同爲水菜惟苻字三章皆不入韻或是聲誤
其旂夜夜釋文作伐伐云有法度本又作夜羣經音辨 三亦作
伐云旂兒也案說文云夜艸葉多夜夜是狀旂之兒箋云觀
其旂夜夜然似與毛傳異攷工記匠人一耦之伐鄭注伐之
言發也續漢禮儀志引盧植禮記注伐發也噫嘻發爾私箋發伐也是伐伐
言其旂發發然也正義旂夜古今字出車傳云旂旂旂垂兒此云言有法度也語殊而義合臧氏
曰此夜夜不與六月白夜同據釋文羣經音辨皆作伐伐正
義當同陸所見已有作夜者竟與旂之假借字無別矣

薄采其菲說苑雜言引作薄將說文艸部引作言采其菲云晷
葵也徐音力久切廣韻四十四有引同案茅苜傳云薄辭也
葛覃言告言歸蘇氏轍亦訓言爲辭義同說文云采擷取也

故劉向作持此以詁訓字易經文陸璣疏云蒹葭杜子春讀爲
耶釋文作蒹云北人音柳兼收二音亦未能定所從蒹與酒
醕韻从卯非是陳氏曰蒹今之尊菜也周禮醕人供蒹菹以
爲朝事豆實毛傳鄭注皆云鳧葵也釋文引鄭小同云江南
人謂之尊菜是已惠氏士奇曰蒹俗作蒹古無蒹字醕人注
或曰蒹水草杜子春讀爲市康成从之故曰蒹鳧葵蒹蒹讀爲
柳六書正音豈獨北人乎惠氏曰醕人有蒹菹鄭大夫讀蒹
爲茅汗簡云古文尙書以蒹爲縮
左傳縮酒說文引作蒹蒹與蒹同與蒹大夫說台不得訓段
鳧葵矣蒹本从蒹不从卯周禮爲蒹菹北人皆音柳非也
氏曰漢時有蒹蒹二字經文作蒹兩鄭皆易字爲蒹也鳧葵
名蒹亦名蒹今之蒹菜也俗作蒹音卯非也

匪怒伊教列女傳一引作匪教案桑扈彼交匪傲左氏傳引作

匪交彼伊義略同

屈此字醜正義云爾雅某氏注引作淵此案釋詁曰淵治也毛韓訓屈爲收鄭訓治正義云屈治釋詁文彼作淵是音義同也荀子有坐注淵讀爲屈字通陳氏曰郭注屈收引此詩於淵治不引此詩是不从鄭韓詩義同毛爲長

昭假烈祖文選出師頌注引作昭格案釋詁曰格至也毛傳假訓同書格字今文尙書作假詩抑傳同說文云假至也方言假格至也是假格皆假借字

明明魯侯白虎通辟雍引作穆穆案此當因與上章相涉致錯引之

在泮獻觶王制注引作在頌案說文云泮諸侯鄉射之宮西南

為水東北為精箋云泮之言半通典引五經通義同以南通水北無也

禮記作類故引詩亦从之但訓類為班與此不同裁文類聚

卅引五經通義云諸侯不得觀四方故缺東以南半天子之

學故曰類宮獨斷云類言半也後漢崔駰傳注類半也義同

禮記釋文類本或作泮

狄彼東南鄭箋狄當作剔釋文云韓詩作剔當作剔除也文選王

粲從軍詩注引作迭案士喪禮四剔今本剔去蹄注云今文

剔為剔蓋古文作剔今文從省作剔漢司馬遷傳剔毛髮嬰

金鐵受辱亦剔之詁師古注音吐計反非是後漢馮魴傳注

引釋類剔亦剔字鄭即用韓詩說說文迭古文作邊義繁章

又作愁訓為剔即用邊蠻方箋云當作剔是剔與迭通作狄

从省後漢王渙傳注剔與狄通召晏舍爾介狄正義云毛讀狄爲迷殷本紀契母曰簡狄大戴帝繫天問同古今人表作簡邊索隱云狄又作過則迷與狄亦通

烝烝皇皇鄭箋皇皇當作晔晔猶往往也案釋詁晔晔皇皇邢疏云少儀濟濟皇皇鄭讀皇如歸往之往彼言皇皇卽此晔晔也楚茨箋云皇晔也信南山箋云皇之言晔也皇晔聲之轉義通錢氏曰說文晔卽烝烝皇皇之皇

不吳不揚釋文云王音吳作吳音話同正義引王肅云不過誤有傷者漢衡方碑作不虞不陽一作仍案陸氏以王作吳此因

何承天之說非是詳見釋衣正義云鄭讀不吳爲不娛人自娛樂

必謹諱爲聲故以吳爲諱也毛訓揚爲傷揚與誤爲類故爲

傷謂不過誤不損傷此王肅因以吳爲誤左氏僖五年虞仲

漢地理志吳越春秋作吳仲古吳與虞通揚陽字亦通見正月

陳氏曰毛不破字而兩詩吳字一以爲娛一以爲誤皆離於

本訓然虞娛同爲樂義與史記合虞誤皆諧吳聲古字多假

借文同不妨義異毛公得於師授說必有本得其義可勿泥

其文臧氏曰經文前後竝同毛於前篇訓譁則此不當別解

从鄭爲是錢氏曰古人吳虞多通用泰伯弟仲雍以居吳稱

吳仲雍而左氏傳論語皆作虞仲是其證也說文吳姓也亦

郡也一曰吳大言也是吳敖之吳與吳越之吳無別體矣詩

正義謂鄭讀爲不娛今衡方碑作虞虞娛亦通用字也今史記封

禪書作不吳乃後人據毛詩私改

戎車孔博徒御無數鄭箋博當作傅甚傅繳者言安利也釋文
數作釋云本又作射又作敦或作澤皆音亦厭也案漢地理
志豫章歷陵縣有博陽山古文以爲敷淺原書孔傳云一名
傅陽山博傳音近字形亦相似射敦音義同釋憚又以同音
通用

食我桑黹釋文云說文字林皆作甚桑實也白帖

四十八
十二

甄文

類聚

八十

御覽

二十七
九百七十三

竝引作樞案說文云黹桑甚

之黑也甚桑實也皆不引詩黹甚字同聲類黹深黑也則以
其黑色故作黹廣韻云樞俗用爲桑樞字非段氏曰甚黑曰
黹故泮水卽以其色名之毛傳黹桑實也謂黹卽甚之段借
字也許與毛小別矣

憬彼淮夷釋文云憬說文作愬音獷闕也一日廣大也梁氏玉繩曰說

文未見有文選齊安陸昭王碑文注引韓詩作獷薛君曰獷作愬字

覺寤之貌詩地理攷引韓詩作獷案說文心部愬字不引此

詩注義與陸氏所引同漢元帝紀師古注愬古獷字憬字下引仍作憬云

覺悟也惟瞿部嬰字引詩獷彼淮夷是讀若獷無訓義禾部獷也

栗也四部四字讀若獷賈侍中說讀與明同又云獷犬獷獷不

可附也漢書敘傳獷獷亡秦後漢光武紀注獷猛貌沈約文

云彊民獷俗此與薛君章句義又異是獷亦借字愬獷獷皆

音相近錢氏站曰倉頡篇四大明也古四卽憬字故憬獷互

用而四讀如獷心部有憬乃後人加入非許君原文也是許

君所引正與韓詩同段氏曰獷字當為愬此作獷以借字毛

詩自作慙今作慙者或以三家詩改之慙下所稱蓋三家詩

大賂南金後漢劉陶傳注引作大路

宦者傳序注引同

案毛傳賂遺也

章懷注作大路則以為路車路賂亦形聲之誤

閼宮有恤文選魯靈光殿賦張載注引作祕宮有恤

魏都賦劉淵林注引

作有恤別賦注引作恤

李善引傳云祕神也

此鄭箋注誤

案正義云閼與祕

字異音同說文云祕神也故鄭訓閼亦為神此以閼為祕之

假字恤恤亦字形相涉而異

種穉菽麥說文禾部引作植穉

當作穉

未麥釋文韓詩云穉幼稼

也案檀弓釋文穉本又作稚說文無稚字此俗體方言注云

穉古稚字

段氏曰穉雅古今字

說文云穉幼禾也未象未豆生之形也

菽亦後人滋益之字

實始翦商說文戈部引作戠商案翦戠聲同說文作戠當本三家詩釋言曰翦齊也毛傳从之後人遂以周自太王始有滅商之志不特太王之心無以表白於後世且攷太王之時殷道未衰於情事俱不合也惠氏曰說文戠滅也宋本亦然說與鄭氏合無訓戠爲福之女富孫案楊慎云戠福也大惟兩王始受福于商而大其國雅及天保傳云戠福也然實始福商其說太鑿釋詁翦勤也大王自幽遷岐始能光復祖宗修朝貢之職勤勞王事至於文王尙合六州之眾奉勦於商武王初循服事之誠末年然後受命皆所謂纘太王之緒也段氏曰毛傳翦齊也翦卽翺字戠者翺之叚借毛謂周至於大王規模氣象始大可與商國竝立故曰齊非翦代之謂戠云滅者盡也天保集傳云戠

盡也此甚合古義許復引詩字以明段借若不通毛許之例
竟謂大王滅商豈不事辭俱窒礙乎

致天之届于牧之野文選冊魏公九錫文注引作致天之罰届
于牧野案箋云天所以罰殛紂於商郊牧野是雜以詁訓義
而引之

任昉宣德皇后
令注引不誤

王曰叔父明堂位注引作王謂案謂曰聲相近義亦不異
大啟爾宇爲周室輔後漢黃瓊傳注引作啟爾土字明堂位注
作爲周公輔案此所引皆當爲駁文

土田附庸大司徒職注引作土地案左氏哀十二年傳注隙地
閒田釋文田本作地周語穀地爲田齊語注同易恆虞注云
地上稱田其義相同

享祀不忒說苑權謀引皇皇上帝其命不忒案此引誤倒又爲駁文

夏而樞衡說文角部引詩設其樞衡案此本周禮封人職文此云詩疑傳寫之誤說文木部引詩作而張衡東京賦云設其樞衡李善注亦引周禮文

白牡駢剛公羊文十三年傳作駢牯注云駢牯赤脊案說文云牯特牛也今本正義引作特也脫牛字玉篇牯特牛赤色也正義云駢牯謂赤特也集韻云通作剛亦爲借字

朱英綠滕御覽七百七十二引作綠騰詩攷引韓詩同案毛傳云滕

繩也檀弓注邊無滕釋文滕本又作滕易滕口說虞本作騰

滕與騰通則滕與騰亦同音通用

文選甘泉賦注顧延年傳游崑山作注並引韓詩詩

君章句曰騰乘也詩攷引為騰之異字案十月之交不震

不騰毛傳騰乘也與薛章句正同此疑詩攷誤引為騰字

戎狄是膺荆舒是懲史記建元以來侯者年表作戎狄是應

傳又引

荆茶是徵

淮南衡山傳贊引此二句與今本同

案釋詁曰應當也釋文

本或作膺孟子音義膺丁本作應云按古訓應為當毛訓當

是亦作應應膺古今字玉藻諸侯茶注云茶讀為舒遲之舒

攷工弓人注云茶古文舒假借字鄭箋徵艾也

从裴駙所引

易君

子以懲忿望欲釋文懲作徵云鄭同

鄭讀徵為徵

趙孟麟羊寶道

碑云盜賊徵止此即懲字左氏文十年傳取北徵釋文徵音

懲漢地理志左馮翊徵師古音同

泰山巖巖魯邦所詹說苑雜言作太山下句作魯侯是瞻瞻詩

外傳三

泰作太膺作瞻釋文作大云本又作泰風俗通義山

澤初學記五 竝引作瞻白帖五 引作大作瞻御覽卅九 作是瞻

攷文古本作瞻案太泰古今字見巧言 邦與戾義亦可通春秋

莊十七年齊人執鄭詹左穀同 公羊作瞻晉世家同作叔瞻左

氏傳七年傳鄭詹呂覽務本韓子十過晉世家竝作瞻周本

紀顧詹有河粵詹離伊卽瞻字之省

遂荒大東釋詁注引作遂幪初學記八 引作荒于大東案釋詁

曰幪大也有也毛傳云荒有也義同邢疏以爲當在齊魯韓

詩攷釋文韓詩作荒補氏聲之云疑韓作荒 云至也則韓不作幪喪大

記注云荒蒙也在旁曰帷在上曰荒旣夕注云紐所以聯帷

荒疏云荒取蒙覆之義說文斯干箋竝云幪覆也荀子注同

是荒與幪又皆有覆義故鄭本釋言文荒爲奄奄亦覆也邵

氏晉涵曰樵荒聲之轉王氏念孫曰樵與荒同義樵从無聲
荒从亢聲荒从亾聲荒之轉爲樵猶亾之轉爲無

保有見釋釋文云釋字又作嶧水經泗水注初學記

八

引同御

覽

四十

引作奄有見嶧案漢地理志魯國臨縣班固自注嶧

山在北應劭云邾文公卜遷于嶧者是也左氏傳作遷于繹
杜注亦引鄒縣北繹山二字通用御覽作奄有當涉上文而
誤陳氏曰郭景純謂繹山純石積構連屬如繹絲然故以爲
名禹貢作嶧尊其名也魯頌作繹取其義也漢志東海下邳
縣西有葛嶧山古文以爲嶧陽說文葛嶧山引書嶧陽孤桐
非此詩及禹貢之嶧皆誤胡氏渭曰漢志魯國臨縣故邾國
嶧山在北嶧繹古字通今兗州府鄒縣東南有嶧山一名邾

釋亦曰鄒嶧此卽鳧釋之釋郝文公卜遷於繹秦始皇刻石
頌功德者也段氏曰毛傳釋繹山也此从糸與地理志葛嶧
山字不同史記作鄒嶧漢志作嶧山乃譌字也秦時石刻字
作繹

居常與許鄭箋常或作嘗在薛之旁六國時齊有孟嘗君食邑
於薛案釋詁嘗釋文字又作常少儀注釋文常本亦作嘗漢
高祖紀常繇咸陽劉攽曰常作嘗是同音通用陳氏曰常自
與嘗薛
邑無涉

黃髮兒齒釋文云兒字書作覲音同案釋詁作覲齒邢疏卽引
此詩古單作兒說文覲老人齒釋名亦作覲則漢時已增加
齒旁矣段氏曰兒古文覲今文也

相來之松水經汶水注作岨

一本仍作徠

徠事類賦

廿四

引作徠攷文

古本同案高山彼徠矣後漢朱輔傳作彼岨竝形聲相近漢

隸字每多增損偏旁來徠古今字

見常武

新廟奕奕蔡邕獨斷作寢廟淮南時則呂覽三月紀注聘禮記

疏續漢祭祀志引竝同周禮隸僕注引作寢廟釋釋云相連

貌也後漢曹褒傳注引韓詩與毛同案毛以閼宮爲姜原廟

新廟爲閼公廟鄭謂姜原廟閼公新之似爲曲解宜作寢鄭

注禮時所見本當是齊魯詩邕學魯詩書石經則所傳亦魯

詩箋云奕奕較美也獨斷云奕奕言相連也是釋奕音義亦

同

漢五行志師古注釋釋光采兒段氏曰隸僕注所引此巧言之異文非閼宮之異文也金石萃編唐石經注巧言引

此

置我鞀鼓鄭箋置讀曰植明堂位注引作植廣雅釋樂音釋引
同案說文植或作植从置論語植其杖而芸漢石經作置正
義云金縢植璧秉圭鄭注植古置字然則古者置植字同臧
氏曰讀置爲植當亦本韓魯此未確韓魯多今文也段氏曰
置古借爲植字攷工記置而搖之卽植而搖之論語植其杖
卽置其杖也

湯孫奏假釋文云假鄭作格升也案釋詁曰假大也毛傳从之
箋不見破字此訓假爲升釋詁假格皆云升也書格于上下
惟先格王今文竝作假亦古今字之異陳氏曰假字毛訓大
鄭訓升而皆以爲奏樂大者大樂也升者升堂之樂也奏鼓
爲堂下之樂奏假爲堂上之樂下文鼓管與磬亦有堂上堂

下之分鄭解較明

庸鼓有數萬舞有奕釋文云庸依字作鏞大鍾也文選東京賦
鏞鼓設李善注引作鏞又萬舞奕奕注亦引作奕奕案靈臺
賁鼓維鏞箋云西方之樂謂之鏞鏞功也庸鏞古今字毛傳
云數數然盛也奕奕然閑也李善所引是雜以傳文

亦有和羹說文鬻部引作和鬻云五味盃羹也或作鬻鬻皆从
省羹小篆文說文通釋作盃羹案說文云盃調味也博古圖
尚有阜父丁盃執戈父癸盃周有單從盃嘉仲盃凡十四器
其缺識或謂之彝或謂之尊卣皆取調和五味之義玉篇盃
今作和說文厓相響也今通假爲調盃字

既戒既平暇假無言晏子春秋外篇引作且平

申鑒同

下作奏暇

左氏昭廿年傳引作𦣻假中庸引作奏假案作且平或涉那篇之文奏𦣻疑亦有誤毛傳𦣻總此以𦣻爲總之假字疏云𦣻總古今字異𦣻奏亦聲相近士冠禮注云古文格爲𦣻釋文𦣻本作假禮運祝𦣻辭說釋文𦣻本作假曾子問注假讀爲𦣻是假假古字通箋訓假爲升音格中庸注云言奏大樂於宗廟之中疏云詩本文𦣻假無言此云奏假與詩文異也臧氏曰孫本作奏𦣻因校者據毛詩注𦣻字于旁遂誤刻入今據上且平知必與禮記中鑒同也顧氏曰假音古格字轉上聲亦音古易王假有家王制歸假于祖禰之類皆以假爲格詩𦣻假中庸作奏格案今本作假正以其音之同也陳氏曰𦣻傳訓總𦣻假者謂總集大眾指助祭諸侯及羣臣而言當此

而無言無爭所以難也據中庸改假爲奏恐不然經傳引詩
與本文互異者多有安得舍此而從彼又百祿是總字亦作
驪可見二字古通用段氏曰禮記假長也大也賓筵卷阿傳
同此本字也那傳假大也烈祖傳同皆以假爲假之假借楚
茨傳格來也抑傳格至也此本字也雲漢傳假至也泮水烝
民元鳥長發義同皆以假爲格之假借也

來假來饗明監本馬應龍本汲古本葛鼎本竝作享唐石經南
宋石經宋本九經南宋巾箱本岳本讀詩記詩緝毛詩集解
詩補傳詩傳通釋攷文古本作饗案正義云來假謂諸侯來
升堂獻酒來饗謂神來歆饗之上以假以享謂來升堂獻國
之所有也是上作享下作饗正義本不誤俗誤作享遂盡改

箋疏之字矣歐陽氏日上云以享者謂諸侯皆來助祭致享

於神也下云來饗者謂神來至而歆饗也

案呂氏嚴氏竝載此說享饗二義不

同段氏曰此篇以假以享箋云以此來朝升堂獻其國之所
有來假來有箋云諸侯助祭者來升堂來獻酒是皆下獻上
之辭竝作

言爲是

宅殷土芒芒史記三代世表引作殷社魏書崔宏傳芒作茫

長發

洪永芒芒文選謝靈運初發石
首城注御覽匪所竝引作茫茫

藝文類聚

九十

文選弔魏武

帝文注御覽

一百卅五
九百廿二

引竝同案漢初本或有作社義亦通

左氏襄四年傳芒芒禹迹注芒芒遠貌文選魏都賦注茫茫

遠貌也音義同

茫俗
字

奄有九有中論法象引作九域文選冊魏公九錫文注引韓詩

作九域薛君曰九州也案上文正域彼四方傳云域有也古

或卽域字大戴分符曰大道之邦或御覽

一百三

引作邦域或

亦訓有天保箋云或之言有也是有與域聲近義通毛傳亦

以九有爲九州也

文選應貞華林園集詩注引作九州似誤以傳義爲經文

惠氏曰域當

作或說文或邦也从口从戈以守一一地也古或字作有有

字作又亦作或商書九有以亡以有九有之師皆九州也王

氏念孫曰九有有截韓詩亦必作九域魯語韋注有域也域

有古同聲而通用

受命不殆鄭箋作不怠正義同案王肅云成湯受天命所以不

危殆者在武丁之爲人孫子也箋言商之先君受天命而行

之不解怠者在高宗之孫子義較長

邦畿千里文選西京賦封畿千里注引詩作封畿書大傳注作

邦圻

路史國名紀信引同

公羊桓九年疏引同謝瞻於安城答靈運詩

注引作京畿案論語且在邦域之中漢王莽傳作封域周語

邦內甸服邦外侯服荀子正論竝作封漢嚴助傳亦作封釋

名曰邦封也有功於是故封之也書康誥疏云古字邦封同

邦封亦聲相近謝瞻詩云迢遞封畿外注中京字或亦封之

謫圻畿字同

見祈父

錢氏曰古讀封如邦論語且在邦域之中

矣釋文邦或作封而謀動干戈於邦內釋文鄭本作封內

景員維河鄭箋員古文作云河之言何也所云維言何乎言殷

王之受命皆其宜也釋文云王以爲河水本或作何唐石經

作何案正義云轉員爲云河爲何者以頌弁既醉言維何者

皆設問之辭此下言殷受命咸宜是對前之語不得爲水傍

河也書雖則云然漢韋賢傳引作員書疏云員卽云也正義
古文云員字同蓋員云爲古今字漢逢盛碑無可柰河吳仲
山碑感痛柰河廣雅曰河何也隋龍藏寺碑河人亦是何字
河何同音義通錢氏曰說文員物數也清哲幅隕既長毛亦
訓隕爲均景員爲大均幅隕爲廣均蓋七十子相承之故訓
後儒競出新意終不如毛傳之正大

百祿是何釋文云何河可反本又作苛音同案毛傳云何任也
箋訓爲擔負說文云何僮也左氏作荷何荷古今字關雎序
哀刑政之苛釋文苛本亦作荷左氏昭十二年傳苛愿不作
釋文同樂記注去其紂時苛政釋文苛音何本又作荷役也
漢鄧食其傳皆握飯好荷禮師古注荷與苛同是古二字多

通惠氏曰刻虐之苛字本作荷毛詩序哀刑政之荷春秋傳

荷惡不作漢書好持荷禮是也

今本皆作苛非也

荷擔之荷本作何

易何天之衢論語何賁是也賁問之呵本作苛漢乙令有呵

人受錢

見陳羣新律序

說文廷尉說律至以字斷法苛人受錢

桂氏讀曰

蜀郡屬國辛通達李仲曾造橋碑云荷杜仁又云荷賊曹掾杜仁又云荷吏代誦按荷卽苛蓋稽察之吏都鄉正衛軍碑吏無荷擾之煩亦以荷爲苛

幅隕既長鄭箋隕當作圓

釋文作圓

圓謂周也攷文古本宋本既作

方案毛傳云隕均也與景員義同鄭既以員爲云故此亦改

作圓周禮輪人注云故書圓或作員當爲圓周與均義不甚

殊列子說符釋文圓與圓同方字疑涉下方將而亂陳氏曰

隕于敏切圓王問切音本相近故鄭改讀以就均訓圓本訓

同全也後世讀圓爲王權切而音始相遠矣監本經文作囀
誤段氏曰員隕毛皆曰均也是毛謂員隕竝圓之假借字渾
圓則無不均之處箋曰當作圓訓周此申毛非易毛

玄王桓撥釋文云撥韓詩作發發明也案毛傳撥訓治鄭義同
釋名曰發撥也碩人鱣鮪發發釋文音補末反是二字古讀
通錢氏曰古讀發如撥此古音也一之曰威發說文作澤次
此雙聲亦當爲補末切今韓詩訓發爲明是與毛異讀

率履不越韓詩外傳

三

作率禮

一作履

說苑復恩漢書

宣帝紀蕭望之傳

後漢東平憲王傳引竝同漢周憬功勳銘作帥禮案易履霜
鄭氏讀爲禮祭統曰禮者履此者也又曰言而履之禮也釋
言履禮也毛傳同說文云禮履也互相訓義通漢人多傳三

家故劉同班范周憬銘皆作禮

率作帥義見采菽

相土烈烈周禮校人職注引世本作相土竹書紀年同文遷賁
躬詩注引同荀子解蔽作乘杜注云杜與土同案月令百辟
卿士漢史農祠孔廡奏銘作卿士呂覽任地注云士當爲土
漢禮器碑於是四方土仁漢侯成碑假迹土仁皆卽土人也
土與士字形相似古多通寫世本相土作乘馬故又以爲乘

杜杜與土古字通

見鳴

海外有截漢書

宣帝紀蕭望之傳

引作海外有截

詩攷引作海水是傳寫之誤注疏攷證因

之後漢竇憲傳注引同案說文云截斷也今作截是隸變體

詩攷當以截爲異字轉寫者譌外爲水後人遂誤以水字爲

異文矣

段氏詩小學亦承其誤

王氏念孫曰秦本紀與韓襄王會臨晉

外正義外字一作水隸書外或作外與水相似而誤

至于湯齊韓詩外傳三作湯躋一作齊案孔子閒居注云詩讀湯

齊爲湯躋躋升也言三家詩有讀爲躋者釋文云湯齊依注

音躋亦作躋詩如字本毛義樂記地氣下齊鄭云讀爲躋釋文

齊本作躋躋齊聲之轉董彥遠啟云頌亂湯齊卽謂此也

聖敬曰躋孔子閒居引作日齊晉語補音作躋案毛傳云躋升

也箋義同士虞禮記注云今文躋爲齊禮記注云齊莊也其

聖敬曰莊嚴與詩箋義亦異

爲下國綴旒郊特性注引作爲下國暇郵玉篇田部引作暇流

云暇表也本亦作綴禮記云郵表暇說文云兩陌闕道禮記

疏云所引詩者齊魯韓詩郵謂民之郵舍言成湯施布仁政

爲下國諸侯在暇民之處所使不離散案暇與綴音同字形亦相似暇所以表田閒毛亦訓綴爲表箋云綴猶結也禮記疏云暇者井閒相連暇之所是亦有結義郵旒聲之轉蓋漢儒解詁各從師讀故字異而義亦不同樂記龍旂九旒釋文作流云本又作旒公羊襄十六年傳釋文旒本又作流旌旗之旒玉篇作流釋天練旒九釋文旒經典亦作流說文游旒竝云旌旗之流也無旒字陳氏曰旒乃冕旒字本作旒旌旗當作游依毛二字皆通依鄭當作游富孫案漢書元成傳段師古注游亦流也氏曰流作旒俗字旗之游如水之流故得稱流也惠氏士奇曰周禮以九兩繫邦國之民繫猶綴也綴旒者所以繫邦國也

敷政優優左氏傳

成二年昭二十年

竝引作布政家語正論繇露循天

之道後漢陳寵傳文選鍾會檄蜀文注引同漢校官碑作布
說文欠部引作布政憂憂云憂和之行也案書敷問在下習
世家作布問聘禮注云今文布作敷玉篇專布也或作敷敷
有布義故古讀敷亦如布說文憂爲優裕字與惠訓愁字別
玉篇云憂愁也亦爲俗解

百祿是道說文手部引作是摯云摯束也北史蘇綽傳引作求
案韋部韠收束也或作摯毛傳道聚也爾雅作摯收束與摯
斂義不異求道亦聲之轉與萬物來求同義錢氏曰說文摯
卽百祿是道之道王氏念孫曰韠摯道古同聲而通用

受小其大其淮南本經注引作小琪案箋云其執也猶所執指
小球大球也琪爲說文新附字與球同類其琪聲同義亦通

爲下國駿厯荀子榮辱引作駿蒙注云蒙讀爲厯厚也大戴衛

將軍文子引作恂蒙注作駿厯家語弟子行同讀詩記董氏

引齊詩作駿驪

一作驪

謂馬也詩攷同案箋云駿之言俊也釋

文一云毛亦作俊讀恂駿聲之轉毛傳訓厯爲厚厯驪字通

厯蒙音亦同

本小戎疏

惟師說各異耳輔氏廣曰當從董說謂馬

則與上章綴旒相類顧氏曰小戎箋云蒙厯也古音莫工反

故亦作蒙盛氏百二曰禮上公用駟四玉一石也此蓋用於

纁旒之玉亦猶綴旒也然則綴旒當作冕旒之旒非旌旗之

旒

何天之龍敷奏其勇家語弟子行引作荷天子之龍大戴衛將

軍文子引作何天之龍

一作龍

傳奏其勇鄭箋龍當作龍釋文

數作傳云本亦作數一本傳數互易羣經音辨引作傳云今本作數

案家語作天子當是駁文毛傳龍和也如字易師象傳曰承

天寵也釋文王肅作龍龍寵也蓼蕭為龍為光箋云為龍為

光蓋龍為古文寵字書禹敷土史記作傳土敷傳一聲之轉

古字通臧氏曰戴禮今文也三家詩必有作寵字則改龍為

寵與大戴合也段氏曰毛傳龍和也蓋以為邑和之假借字其音相近

百祿是總釋文云總本又作驪音宗案烈祖驪假無言毛傳訓

驪為總正義云驪總古今字之異也故轉之以從今漢儒詁

訓音義相兼是驪與總通

武王載旆韓詩外傳三荀子議兵並引作載發外傳本又作旆說文土

部引作載坡徐鍇曰今詩作伐云治一作土段氏本作坡土也一日雷土謂之

坡玉篇土部引同案荀子注云發讀爲旆是古讀通玉篇壤

與坡同

錢氏曰古書从发从發之字多相通

亦耕土也發疑卽壤之省毛傳以

旆爲旗旆坡音相近故假作坡趙宦光謂誤作旆亦非

集韻拔夜

芟皆有旆音

伐卽夜字與旆同惠氏曰坡與發通公孫文子名拔

或作發

見檀弓注

周禮大司馬職中夏教芟舍鄭注讀如萊沛之

沛皆音浦貝反與芟舍音通是旆亦讀爲坡古音通也段氏

曰毛詩當本作坡傳曰坡旆也訓坡爲旆者謂坡卽旆之同

音假借也淺人乃改坡爲旆以合旌訓許引此說段借之例

王氏念孫曰漢刑法志引詩武王載旆旆本作發後人依毛

詩改之荀子韓詩外傳並引作發此志上下文所引皆讀兵

篇文故其字亦作發律歷志述武王伐紂之事曰癸巳武王

始發與此發字同義毛作旆者借字耳師古注言湯建號興師本由仁義興師二字正釋發字而不言載旆則所見本是發字明矣王氏引之曰發正字也旆坡皆借字也發謂起師伐桀也

則莫我敢曷荀子議兵漢刑法志文選檄吳將校部曲注御覽三百四十一竝引作敢過案釋詁曷過同訓止毛鄭俱訓曷爲害則過爲同音通用

苞有三葉淮南似眞注苞引作包漢書敘傳劉德注引作包有三枿廣韻五肴引作枹有三枿案毛傳苞訓本箋訓豐是包爲通借字釋木注云枹樹木叢生枝節盤結枹苞音義同釋詁烈枿郭注亦作葉說文云櫟伐木餘也引商書粵櫟或作

陳古文作梓弓部又引作粵枿當卽古文變體東京賦李善注云槩與枿古字同

韋願旣伐古今人表作韋鼓案漢韋賢傳軌憲靡願注云願讀如古是願與鼓音讀同錢氏曰願徐仙民音古此古音也古今人表有韋鼓今無讀願爲上聲者

降子卿士唐石經南宋石經宋本九經南宋巾箱本讀詩記詩緝毛詩集解岳本明南北監本殿本毛本足利朱傳本皆作降子俗本作子案箋云下子之卿士謂生賢佐也正義云下大賢之人子之使爲卿士今本或作降子誤臧氏鏞堂曰嘗見元人所刻集傳亦作子蓋後來刊刻之誤非朱子之誤也

實左右商王北堂書鈔

四十

文選注

阮籍爲鄭冲勸晉王澄揚雄解嘲范曄後漢二十八

將論李康運命論劉峻辯命論王儉褚淵碑文

竝引作左右商王無實字白帖

十七引

同案古本當如是今以上文實字相涉而複惟楊荊州諒注引有實字或後人據今本增入正義述毛有實字

杲人其阻說文网部引作杲入云周行也或作杲釋文云杲說文作杲从冈米云冒也案訓冒是箋義非許氏說毛傳云深也字當作突說文突深也卽本毛義正義云杲者淡入之意段氏曰突漢古今字鄭箋易杲爲杲訓冒蓋以字形相似易之陸釋文以說文之杲作杲不知說文杲作突杲別一字或體作杲與突無涉許書杲下妄人添詩曰杲入其阻六字鄭所改之字許安能用其說突隸作杲五經文字曰杲杲音彌

上說文下釋文相承隸省集韻類篇皆曰𦰇𦰇𦰇三形同字
今本竟作𦰇爲從古所無之字也又曰𦰇今隸應作𦰇各本
作𦰇誤廣韻𦰇𦰇也𦰇𦰇人也冒也周行也分別誤

莫敢不來享虞翻易觀卦注引作莫敢不來賓文選司馬相如
喻巴蜀檄注引作莫不來享案釋詁曰賓服也賓享義亦通
文選注引經文間有刪去語助字

命于下國封建厥福左氏哀五年傳引作命以多福案疏云傳
言命以多福不復具引詩文取其意而言之也

商邑翼翼四方之極後漢樊準傳引作京師翼翼四方是則注
云韓詩之文也漢匡衡傳晉武十三王傳魏甄琛傳白帖九

並引作京邑王符傳潛夫論浮侈引作是極詩攷異字引荀
役漢書作極

悅漢紀作京邑翼翼四方是則王海

一百引

崔駰箴作是營

案毛傳云商邑京師也故樊準傳作京師漢紀作京邑義同是與之聲之轉董氏謂京師之名始見於公劉此詩亦作京師蓋公劉在夏時或本當時所稱而言釋詁曰則常也法也箋云翼翼然可則倣乃四方之中正也是與極義不遠營字當以意易之王氏念孫曰匡衡傳引詩本作京邑翼翼四方是則乃齊詩今本京作商是則作之極皆後人以毛詩改也是王氏引之曰韓詩作是則箋云商邑之禮俗翼翼然可則倣是本韓詩義齊詩亦作是則匡衡傳齊詩故漢紀元帝紀載衡疏引同東京賦京邑翼翼四方所視本於齊韓詩也

松柏丸丸白帖

一百引

作桓桓案桓丸同聲通假文選長笛賦注

引韓詩松柏丸丸薛君曰取松與柏此是章句竝非經文詩攷乃誤仞爲韓詩也

方斲是虔松桷有桯釋文云虔爾雅作榰桯俗作桯白帖

作有桯說文繫傳手部引作桯御覽

九百五十三

作有延案毛傳

虔依字訓敬釋宮曰榰謂之榰釋文本亦作虔引詩同箋據

此爲榰之省說文本部云桯木長也引詩作桯手部桯長也

古桯埴字本作桯俗作桯詩本作桯

玉篇木部引作桯

不從木旁文

選長笛賦注桯一作延是又從省錢氏曰說文桯卽松桷有

桯之桯段氏曰釋文云桯長貌柔桯物同於老子桯埴云和

也柔也又引字林云長也謂長與柔桯無二字陸氏毛詩本

从手作桯明甚今作木旁延非也五經文字木部有桯云見

商頌所據已爲誤本說文挺字疑後人所增

皇清經解續編卷五百六十終

皇清經解續編詩經異文釋一六

仁和邵順穎
善化劉鉅校